



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XXXIIX. De conuersione Colobergæ ciuitatis.

urn:nbn:de:hbz:466:1-41527

Transito autem flumine, quod Dodonam præterlabitur, ciuitatem quandam inuenimus, magnam quidem ambitu & spatiosam, sed raros incolas: nam ferro & incendio se vastatam ^{Vastata ciuitas.} adustionum signis & cadauerum aceruis, spectantibus indicabat. Ipsi autem incolæ tenues illorum se fuisse clientulos, qui à Duce Poloniæ illic interfecti erant, & captiuati, asserbant, & à facie gladij saluatos se fugæ præsidio. Fecerat autem ex ramis & virgultis circa ruinam parietum tuguria & umbacula, quibus tegebamur, quousq; tecta meliora instaurarent. Hos Pater optimus verbis consolans, & sipe releuans, benignissimè instruxit & baptizauit. Multi etiam de viculis circumpositis ruricolæ illic confluente fidei percepere Sacramenta.

De conuersione Colobergæ ciuitatis.

CAPVT XXXVIII.

INde Colobergam peruenimus, quæ super littus maris sita est. Sed quia ciues illius pœnè omnes, institorum more, ad exterarum insulas, negotiandi causa, nauigauerant: illi, qui domi reperti sunt, absentibus suis conciuibus, nihil se noui aggressuros dicebāt: atque sub occasione tali aliquandiu restiterunt Euangelio. Tandem exhortationibus crebris ab Episcopo superati sunt. Confirmatis ergo eis in fide SS. Trinitatis, & baptismo regeneratis, & fundato altari & sanctuario, cæterisque, quæ nascenti Ecclesiæ utilia credebantur, ordine peractis, diei vnus itinere distantem à Coloberga * Belgradam petens, simili operum effectu illic lætificatus est; omnibus se Domino sponte applicantibus: quod ubi factum erat, visum est ei, bonum esse, omissis quatuor, quæ supererant, ciuitatibus cum pagis, insulis & viculis suis, videlicet Noirnia, * Hologosta, * Cozgaugia & * Timina: quia tempus eū renocabat (hiems quippe erat) id, quod plantauerat, interim irrigare, ne fortè dilatando tantum agrum suum, & non etiam excolendo, in vacuum curret, aut cucurrisset; quin etiā, si vltius procederet, ante diem

*Seфридъ.
S. Otto Genit
Colobergæ seu
Colobregam.*

*Excusatio Co-
lobergensium.
Sed tandem
monitis Episco-
pi cedunt.
* Belgard.*

** Wolgast.
* Gustaw.
* Cammina.*

n Palma-

Palmarum, sicut disposuerat, redire ad suam Sedem, consecraturus chrisma, minimè potuisset.

De termino Euangelij facti in Belgrada ciuitate, & de reuisione ciuitatum baptizataram antequam exiret de terra.

CAPVT XXXIX.

*Se fidus
S. Otho reuist
omnia loca, & ubi
Euangelium
annunciauerat.*

*Dedicat Ecclesias
structas.*

*Denuo multos
baptizat.*

*Multa & alio-
ditig.*



Iscretus ergò Pontifex apud Belgradam terminum ponens Euangelij, omnia loca & ciuitates superius nominatas, in quibus semina fidei sparserat, fidus agricola denuo perlustrauit; cogniturus quomodo se haberent sata. Et ecce omnes, quas imperfectas reliquerat Basilicas & Ecclesias, perfectas inuenit. Adopus ergò dedicationis deuotus & lætus accingitur; atque inter dedicandum, Chrismatis vnctione populum confirmans, etiam quàm plurimos inuenit baptizandos, qui generali baptismo prius interesse non poterant, eò quod in exteris partibus peregrinati, negotia sua exercebant: quorum profectò Dodonæ, Iulinæ, Stetinæ maxima erat copia. Mira quippe auditate, audito, quòd Episcopus discedere uellet, ad eum confluerunt, infelices se reputantes, quibus sine illius benedictione remanere contingeret. Quæ res in singulis locis aliquandiu nobis remorandi causa fuit. Nullam autem ciuitatem, aut locum plantationis suæ relinquere uoluit, quam non semel aut sæpius ante exitum à terra, confortationis, & consolationis causa reuiferet.

Talibus ergò uisitationibus, regione peragrata, consolando, confirmando, atque salutando amicos, paternos, & filios nostros, in pacis osculo dimisimus eos, & dimissi sumus, lacrymis & gemitibus diuulsionis dolorem utrinque temperantes. Multoties etiam toto conamine nos iugiter apud se retinere moliti dominum meum, ut Episcopatum ibi gubernarec